



Senin, 28 Februari 2022
Ogen : Masmur 1:1-3



"Turah I Tepi Lau Anak"



Kitab Pemasmur eme salah sada kitab si ncidahken uga nggeluh erpengendes man Dibata arah puji-pujin. Pemasmur ngejapken kemalemen ate perban kegeluhenna la ndalanken si jahat ras la erteman ras kalak si megombang man Dibata (ayat 1). Cuba si ukuri adi teman erbahanca sirang ntaah pe erdauhna ras Dibata, uga pengejapenta? Dame nge geluhta? Cuba jabab bas pusuhndu. Pemasmur ncidahken kegeluhen si payo selaku kita anak Dibata. Kegeluhen si matuhi undang-undang Tuhan bas katawari paksa pe (ayat 2). Amin gia pengajuk doni erbanca bene kinitekenta, papak ras nilah arah kerina kataNa tapi ingetlah identitasta selaku anak Dibata. Geluhta bali bagi *batang kayu si turah i tepi lau anak ras erbuah i bas paksana, dengen bulungna pe la melus, sangap ia bas kerina pendahinna*". Turah ia pas bas waktuna, ras mereken hasil si meramis. Eme ulih man kalak si ngikutken Undang-Undang Dibata.

Pemasmur mpeturah kegeluhenna alu terus makeken pasu-pasu Dibata guna ertambah-tambah belinNa kinitekenna man Dibata, kita pe pasti banci makeken pasu-pasuNa e guna ncidahken kegeluhen si mehuli bagi si ngeNa ateNa.

Ercurmin dage kita, enggo nge kita erguna man kegeluhen? entah kinitekenta e pe gelgel je. Si pebelin dage batang kinitekenta. Buah-buah sientebu dengen si meramis jadi kiniulin si meherga tanda lias ras keleng ate. Jadilah kita batang kayu si paguh, si mejile batangna seh maka adi mejile peturahna nggo pasti buahna e jadi kebayaken si mbelin nandangi kegeluhenta enda. Erbage-bage pinakit kegeluhen banci talu ibanna adi simupuksa ras simasu-masuna eme Tuhan Yesus e.